



UNIVERSITÄTS-
BIBLIOTHEK
PADERBORN

Universitätsbibliothek Paderborn

In D. Petri Apostoli Epistolam Vtranqve, Heinrychi Bullingeri Commentarius

Bullinger, Heinrich

Tigvri, 1534

In Posteriolem D. Petri Apostoli Epistolam Praefatio.

urn:nbn:de:hbz:466:1-36052

IN POSTERIOREM

D. PETRI APOSTOLI

EPISTOLAM

Præfatio.

De authoritate secundæ epistolæ Petri.



Vsebius Cesariensis uir eruditionis rare
et lectionis uariæ, lib. histori. Eccl. 3.
cap. 2. Petrus Apostolus (ait) prædicationis suæ monimēta nobis perpauca de
reliquit. Vna etenim eius epistola est, de qua nullus
omnino dubitauit. Nam de secunda multis incertū est,
apud plurimos tamen ipsa etiam legenda suscipitur.
Quibus tamē uerbis nolim offendi quenquā, aut per-
moueri tantundem ut minus deferat sanctissimæ simul
et utilissimæ huic epistolæ. Nam iniquū est ut cuius-
quam hominis iudicium diuinæ præiudicet ueritati,
quæ ut certa est ita in certas quoque restricta regulas, si-
cile conuincit, quid canonicum sit, et quid minus. Su-
scipiendum enim à coetu ecclesiastico quicquid cōsen-
tit cum illis, repellendum quod cum ijs non congruit.
Iam etsi fuerint qui dubitarint, plures tamen qui nihil
dubitarunt. Nec illi ullas habent dubij causas iustas.
Certè hoc ne illijpsi quidē negarint, quod in hac pror-
sus extet nihil quod nouum dici, aut à reliqua scriptu-
ra alienū uideri possit. Proinde non est ulla istis causa
propter quam secundam hanc epistolam Canone ex-
cludant,

cludant, aut certe de eius authoritate quicquam dubitent. Fateor sanè non omne protinus scripti genus referendum esse inter canonica, quod à communibus regulis non discrepat ueritatis: plurimum enim hic quoque facit & scribentis authoritas & scripti uetustas. Iam uero non desunt nobis uulgaria argumenta, quibus citra negotium ostendere possumus, & uetustatē huius & authoritatem, nempe quod haec ab eodem sit apostolo Petro edita à quo & prior. Nam ut è multis istud duntaxat moneam, Titulus siue inscriptio, sed et mentio Christi in monte glorificati & compositionis genius satis cōuincunt quod Petri sit. Quod enim alijs characteris & stili caussantur dissimilitudinem, satis puerile est, sicut alibi monuimus. Nos isto contenti erimus quod spiritus Petri imò Christi sese in hac unice exeruit, quod sibi ipsi Petrus nullibi dissimilis est, & quod maximi quiq; religionis nostrae antistites eius authoritate ut canonica & apostolica usi sunt, Origenē, Hieronymum, Augustinum, imò & ipsum Eusebium, & multos alios puto. In primis autem nostris temporibus haec congruit & utilis, imò & necessaria est, id quod suis in locis indicabimus. Breuiter plena est saluberrimae doctrinae & admonitionis, ut mihi persuascerim prorsus istud dubij quodcunq; apud quoscunque de hac epistola fuit, ex diaboli enatum esse uersutia. Inuidebat ille nimirum nobis tantum thesaurum obti-

August. de
ciuit. dei
libro 20.
capite 18.